

Zeitschrift: Il glogn : calender dil pievel : annalas per historia, litteratura e cultura romontscha
Band: 23 (1949)
Artikel: Surselva e Cadi
Autor: Sialm Gion B.
DOI: <https://doi.org/10.5169/seals-881428>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>

Surselva e Cadi

Cu tes uauls stgir-verds ramuran,
Surselva, en il vent dil matg;
Cu tes uals dals cuolms murmuran,
Ch'il cor surstat e dat adatg:
Lu va il Rein atras la val
Sc'in bab cantond serius choral.

Cur ch'il suleagl cun glisch purpura
Dedesta tei ord dultscha sien
E bétscha spèrt cun levza pura
Tiu frunt cun vehement talien:
Tgei tarlischar e giubilar!
Quei fa il cor a mi tremblar!

Glatschers e cuolms en tschiel sestendan!
O schei a mi, tgi encuris?
Uclauns e vitgs sc'in aur resplendan!
Cheu ei maneivel dil Parvis!
O biala val, Surselva ti!
O nua sei sil mund schi bi?

De fiastas eis ti oz vestgida,
Miu égl admira, mai unfis.
Ti eis dil cor la elegida,
O cara val, miu Paradis!
Mo il pli car ed il pli bi
Eis ei per mei en la Cadi!

Leu ei miu vitg, la grond'ucliva,
Che schai sin tschespet car, alpin,
Riend cun fatscha sulegliva
A miez las flurs sco en curtin.
O beiba, égl, ord quei tresor!
O conta, cor, in cant sonor!

Sur Gion Batt. Sialm, Trun